

Temeljem člana 10. i 26. Zakona o obligacionim odnosima ("Službeni list SFRJ", broj 29/1978, 39/1985, 45/1989 - odluka USJ i 57/1989, "Službeni list R BiH", broj 2/1992, 13/1993 i 13/1994 i "Službene novine FBiH", broj 29/2003 i 42/2011), a u vezi s članom 36. Zakona o agencijama i unutrašnjim službama za zaštitu ljudi i imovine ("Službene novine Federacije BiH", broj 78/2008 i 67/2013), ugovorne strane dana 22.10.2024. godine u Sarajevu zaključuju slijedeći

## **UGOVOR O POSLOVNOJ SARADNJI**

### **BROJ: 1075/24**

kojim se uspostavlja obligacioni odnos između

#### **I - Ugovorne strane**

##### **Član 1.**

1. **"DSC" Agencija za zaštitu ljudi i imovine d.o.o. Sarajevo**, sa sjedištem u Sarajevu, ulica Ante Fijamenga broj 14 B, ID/PDV broj (4)200144230004, zastupan po zakonskom zastupniku Baltić Branki, direktoru društva bez ograničenja ovlaštenja (u daljem tekstu: **Izvršilac**)
- i
2. **JU "Druga osnovna škola" Ilidža/Hrasnica** sa sjedištem na Ilidži, ulica Školska 1, Hrasnica/Ilidža, ID/PDV broj (4)200035880007, zastupan po zakonskom zastupniku Česko Almir, direktoru (u daljem tekstu: **Naručilac**)

#### **II –Predmet ugovora**

##### **Član 2.**

Ovim Ugovorom o poslovnoj saradnji (U daljem tekstu: **Ugovor**) uređuju se međusobna prava i obaveze između Naručioca i Izvršioca.

Predmet ugovora su usluge izrade Plana evakuacije i postupanja u kriznim situacijama na sljedećim objektima:

1. **JU „Druga osnovna škola“ Ilidža/Hrasnica, ul. Školska 1, Hrasnica/Ilidža**

#### **III – Prava i obaveze Izvršioca**

##### **Član 3.**

Izvršilac se obavezuje da će pravovremeno izvršiti uslugu izrade Plana evakuacije i postupanja u kriznim situacijama i dostaviti planove u tri primjerka Naručiocu.

#### **IV – Prava i obaveze Naručioca**

##### **Član 4.**

Naručilac će osigurati Izvršiocu pristup svim relevantnim dokumentima i informacijama potrebnim za pružanje usluga koje su predmet ovog Ugovora.

#### **V – Odgovornosti ugovornih strana**

##### **Član 5.**

Izvršilac će pružiti usluge koje su predmet ovog Ugovora s profesionalnom pažnjom i stručnošću, te će se pridržavati svih relevantnih zakonskih propisa i standarda. Izvršilac ne snosi odgovornost za bilo kakve gubitke, troškove ili štete koje mogu proizaći iz djelovanja ili propusta Naručioca ili trećih strana.

#### **VI – Naknada, cijene, izdavanje faktura i rokovi isplate**

##### **Član 6.**

Naručilac je obavezan da usluge iz predmeta ovog ugovora plati Izvršiocu u iznosu od 600,00 KM + PDV nakon izvršene usluge prema Ponudi broj: 2286/24 od 22.10.2024. godine.

Naručilac se obavezuje platiti račun za izvršene usluge u roku od 15 dana od dana ispostave fakture. Plaćanje se vrši na žiro račun otvoren kod poslovne banke koji će biti naznačen na fakturi.

#### **VII – Komunikacija**

##### **Član 7.**

Komunikacija između ugovornih strana vršit će se putem e-maila ili na drugi način koji strane uobičajeno koriste za pismenu komunikaciju.

**Za Naručioca:** Dejan Andrić, Rukovodilac odjela ZNR i ZOP  
061/540-696  
[andric@dsc-sa.ba](mailto:andric@dsc-sa.ba)

**Za Izvršioca:**

U slučaju promjena podataka, svaka ugovorna strana mora obavijestiti drugu ugovornu stranu o izvršenim promjenama u roku od najkasnije 5 dana od dana nastanka promjene, pod prijetnjom trpljenja svih štetnih posljedica (email, adresa, kontakt osoba, broj telefona).

#### **VIII – Poslovna tajna i povjerljive informacije**

##### **Član 8.**

Svaka ugovorna strana se obavezuje da će čuvati povjerljivim i neće otkrivati bilo kakve povjerljive podatke o drugoj ugovornoj strani koji su joj otkriveni u vezi sa ovim ugovorom, osim ako je to nužno u svrhu izvršenja usluga i izvršavanja bilo koje dužnosti

prema ovom ugovoru. Podatak se smatra povjerljivim ukoliko je ugovorna strana u trenutku njegovog otkrivanja drugoj strani naznačila da je taj podatak povjerljiv ili ako se iz okolnosti njegovog otkrivanja može zaključiti da je taj podatak za ugovornu stranu povjerljiv.

Ugovornim stranama se nalaže da lične podatke koje su dobili pri izvršenju ovog ugovora koriste pažljivo, poštujući sva važeća pravila i propise, te će takve podatke koristiti samo u svrhu obavljanja svojih ugovornih obaveza.

## **IX – Trajanje, prestanak i posljedice prestanka Ugovora**

### **Član 9.**

Ovaj Ugovor zaključuje se dana 22.10.2024. godine na period od dva mjeseca, te prava i obaveze za ugovorne strane počinju teći od dana obostranog potpisa Ugovora.

## **X – Salvatorna klauzula**

### **Član 10.**

Ako koja odredba ovog Ugovora bude nezakonita, nevaljana ili neprovodiva u trenutku zaključenja ugovora ili takvom postane naknadno, to neće utjecati na zakonitost, valjanost ili provodivost ostalih odredbi Ugovora. Umjesto nezakonitih, nevaljanih ili neprovodivih odredbi, primjenjivat će se ona zakonita, valjana ili provodiva odredba koja najviše odgovara namjeravanoj ekonomskoj svrsi nezakonite, nevaljane ili neprovodive odredbe. Isto se primjenjuje i u slučaju praznina u ovom Ugovoru.

## **XI – Prelazne i završne odredbe**

### **Član 11.**

Na ostale uvjete i odnose koji nisu uređeni ovim Ugovorom direktno se primjenjuju odredbe Zakona o zaštiti od požara, Zakona o obligacionim odnosima, kao i drugi relevantni pozitivni propisi.

### **Član 12.**

Za sve naknadne izmjene i dopune ovog ugovora neophodna je saglasnost ugovornih strana izražena u pismenoj formi. Ugovorne strane dužne su informisati drugu ugovornu stranu o svakoj promjeni adrese ili informacija sadržanih u ugovoru na pogodan način (neposrednim uručanjem pismena, elektronskom poštom, preporučenim pismom) u roku od 5 dana od dana promjene. Ugovorna strana koja ne dostavi podatke u skladu sa odredbama ovog člana, snosi sve štetne posljedice tog propusta.

### **Član 13.**

Ugovorne strane će nastojati da sve eventualne sporove riješe sporazumno mirnim putem. U slučaju spora, ugovara se nadležnost suda u Sarajevu.

### **Član 14.**

Ugovorne strane potpisom Ugovora saglasno izjavljuju da isti predstavlja njihovu stvarnu i pravu volju, da Ugovor nije zaključen u zabludi ili pod prisilom, te ga u znak prihvatanja svojeručno potpisuju.

### Član 15.

Ovaj Ugovor sačinjen je u četiri (4) istovjetna primjerka, svaki sa snagom originala, od kojih se dva (2) primjerka uručuje Naručiocu, a dva (2) zadržava Izvršilac za vlastite potrebe.

**IZVRŠILAC**

[Redacted]

**DSC d.o.o. Sarajevo**

Direktor Branka Baltić



**NARUČILAC**

[Redacted]

**JU „Druga osnovna škola“  
Iliđža/Hrasnica**

Direktor Almir Česko

Broj: 01-11-2517-1/24